





Ial



ñan

Mour



“Jijej e ba ñan e, Ña ial, im mool, im  
mour: ejjeļok armej ej itok ñan Jema,  
eļañņe jab kōn Eō.”

Jon 14:6

# Ial ñan Mour

## Course 1

- Lesson 1 Kadmadin Anij
- Lesson 2 Kallimur an Anij
- Lesson 3 Kien Anij
- Lesson 4 Ebwe jermal an Jijej ñan lomooren koj
- Lesson 5 Ebwe jermal an Jijej ñan kojparok koj
- Lesson 6 Kuñaan armej
- Lesson 7 Kowānōk koj kōn ta?

Katak kein rej jñn

## Naan Ko Rejouj Bible School

(Mōttan Laura Baptist Church)

PO Box 746

Majuro, MH 96960

Copyright © 1996 Naan Ko Rejouj Bible School. All rights reserved.

# *Kadkadin Anij*

Etke e aorök in jeļä kadkadin Anij? E aorök kōnke je ban meļeje ial ñan lañ mae iien je meļeje kadkadin Anij.

**Anij ekwōjarjar.** Ilo Aiseia 6, Aiseia ear lo juon vision in Anij. Ilo 3 eoon ej ba bwe ear wor serap ro raar kāki iturin Anij, im raar ba,

"E kwōjarjar, E kwōjarjar, E kwōjarjar, Jeova in inelip eo; aolepen laļ e obrak kōn wuj eo An."

E alikkar bwe Anij e kwōjarjar, ak ta meļejein kwōjarjar? Kwōjarjar ej kōnono kōn juon eo ejej uwaan. Ñ e rej kajerbal naan iñ kōn Anij, meļejein bwe ejjeļok ej äinwōt Anij

ilo An weepan, jimwe, im emman. Ejjeļok nana ñan jidik ippān Anij. Baibōl ej ba.

"Joñan Añ erreō, kwō jab maroñ kallimjek nana..."

Habakuk 1:13

**Ta eo Anij ej lōmnak kōn nana im ro re nana?** Anij ej dike ro rej kōmanman nana. Baibōl ej ba,

"Ro ri juwa re jamin jutak imaan mejōm: Kwōj dike ro otemjej rej kōmanman nana." Sam 5:5


"Jeova ej mällejoñ eo ej wānōk; im An ej kōjdāte ri

jerowiwu im eo ej yokwe lej." Sam 11:5

Ejaññe Anij ej yokwe laj äinwöt an Jon 3:16 ba, etke eoon kein rej ba bwe Ej dike ri jerowiwu? Anij ej yokwe armej otemjej bwe E ar kõmman er, bõtab, ke rej jumae E kõn jerbäl ko aer, Ej dike men in.

Anij ej yokwe  
aolep armej

Anij ej dike ro  
ri jerowiwu



**Wön 'ro re nana?'** E alikkar bwe Anij ej dike ro ri nana, ak wön rein 'ro re nana?' Eoon kein rej jab kõnono kõn ro ri kadek im ri uror wöt ke? Baiböl ej ba,

"Jiljino men Jeova ej dike; aet, jiljilimjuon rej men in jöjök ippän: Mejen ri añöte, lo ej riab, im pä ko rej katöörlok bötöktök im ejjelök ruön; Juon buru ej kine pepe ko re nana, ne ko e mökaj aer ettör ñan kõkkure, Juon ri kõnnaan waan ej kõnono naan in riab, im eo ej jeor men in kõjepel jimjän jimjäten."

Jabön Kõnnaan 6:16-19

Emöj ke am riab? Eoon in ej ba bwe Anij ej dike men in. Ilo bok an

Rom, Paul ej bar kaalikar men kein. Ej ba,

"Äinwöt emöj je, Ejjelök rü wänök, ejjelök juon; Ejjelök juon e jelä, ejjelök juon ej kapuköt Anij. Er otemjej raar jeor, rej jimor jatokjeir, ejjelök en ej kõmman emman, aet, ejjelök juon. Bwe otemjej raar jerowiwu, im rej likjab jän aibooj an Anij."


Rom 3:10-12, 23

### Baiböl ej ba kõn armej:

- ejjelök e wänök
- ejjelök e jelä
- ejjelök ej kapuköt Anij
- ir otemjej raar jeor
- ejjelök tokjäer
- ejjelök ej kõmman emman

Köj otemjej re nana! Bölen juon ej lõmñak bwe ejab nana jän ro jet, bwe ejañin kadek ak kabaatat ak lõñ. Bõtab eoon kein rej ba bwe imaan mejen Anij, ejjelök ej kõmman emman. Ilo ad reito reitak, jej lo jet armej im jej ba remman. Bõtab, etke jej ba remman? Kõnke jej keidi er ippän bar jet armej re nana lok, im je lak keidi er ippän ro re lukkuun nana, armej ro jet remman imaan mejöd. Ak äindein an Anij lo armej ke? Ej keidi kõj ippän ro jet im ba, "Ekwe, Inaaj bök armej en bwe emmanlok an mour jän armej ro jet ilo bukwon eo an"? Jab. Anij ej keidi kõj ippän wön? Ippän Jijej! Jijej e weppan, im kõj, je likjab.

Naan eo kōn jerōwiwi ilo Rom 3:23 ej kōnono kōn juon eo ejab tōpar men eo en kar tōpare. Emōj aer kajerbal naan iñ kōn eo ej libōn ak e jab walel. Ej libone made eo an ak e likjab; e jab tōpar men en kar wākare. Eļaññe jej lelōk juon libon ñan juon armej im ba en wākare juon bao ion juon āne tu jab iar in āne eo an, armej eo enaaj bane. Eļaññe elōñ armej rej kajjioñ, jet re mōjñ, im eban toļok an made eo kaļok. Ak jet re dipen im re lukkuun jeļā libon, bōtab armej eo emmantata an jeļā libon, eban kepaak bao eo ñan jidik, bwe ettoļok.



Āindein, ñe armej rej kajjioñ in tōpar wānōk an Anij, jet re maroñ in ellā jān armej ro jet, bōtab ejjeļok emaroñ in kepaak joñan wānōk eo an Anij. Jej aolep ri jerōwiwi. Jej aolep ri nana.

Etke jej aolep ri jerōwiwi? Jej ri jerōwiwi kōnke jej nejin Adam, im ear jerōwiwi mokta. Baibōl ej ba,

"Kōn men iñ, āinwōt kōn juon armej, jerōwiwi ej deļoñ ilo laļ, im mej kōn jerōwiwi; im āindein mej ear itok ion armej otemjej,

bwe er otemjej raar jerōwiwi." Rom 5:12

Jerōwiwi ear deļoñ ilo laļ kōn wōn? Adam. Jej nejin Adam, im jej bōdañe ilo men iñ: jej ri jerōwiwi āinwōt e.

## Jerowiwī eo an Adam.

Jen ļōmñak kōn jerōwiwi eo an Adam. Ke Anij ear kōmānman Adam im Iv, ear ejjeļok aer jerōwiwi. Raar kōmān jimwe wōt aolep iien. Raan im boñ raar pokake Anij. Raar jab illu, jab ruruwe, jab lotaan, jab utiej buru, jab kubboñ, ak jabwe wōt kain jerōwiwi.

Innām ewi jerōwiwi eo raar kōmāne? Raar kadek ke ak kabaatat? Jab. Raar uror ke ak ļōñ? Jab. Raar kañe leen wōjke eo Anij ear ba ren jab mōñā jān e. Raar jab pokake Anij.



Anij ear jiroñ Adam bwe en jab mōñā jān wōjke in jeļā emman im nana, bwe eļaññe ej mōñā jān e, enaaj mej otem mej (Jenesis 2:17).

Je jaje ewi toñ an Adam kar mour mokta jån an kar jerowiwí. Ak e alikkar bwe iumwin jet raan im boñ mokta jån an kar kañe leen wõjke eo, ear jab jerowiwí. Ak ke ear jab pokake Anij, ear mej ilo mour in jetõb, im men in mejelein ear jepel jån Anij. Anij ear kaliaik e im jołok e jån jikin kallip eo.

Ekwe, jete jerowiwí Adam ear kõmmani ke Anij ear jołok e jån jikin kallip eo? Bwijin bwijin ke? Jab. Jete? Juon wõt! Mejelein ke bwe Anij ear jołok Adam kån an kar kõmman juon wõt bõd? Aet! Ta unin? Kõnke Anij ekwõjarjar!

E aorõk bwe jen lõmñak kån men in. Ełap an emman an Adam mour. Bõtab kån juon wõt jerowiwí, Anij ear jołok e.

Elõñ armej rej ba bwe emõj aer ukełok, im rej ba, “Ñe emman aõ mour, inaaıj mour ilañ.” Rej ba bwe ełaññe re tiljek, Anij enaaıj bõk er. Ełaññe mool men in, etke Anij ear jołok Adam? Adam ear kõmman juon wõt bõd ilo iien eo ke Anij ear jołok e, bõtáb kwe im ña jaar kõmman bwijin bwijin bõd. Ełaññe Anij ear jab bõk Adam meñe mour eo an ełap an emman jån mour eo aõ, etke ij lõmñak bwe Anij enaaıj bõk eõ? Eban!


**Innãm enaaıj elmãn?** Anij ekwõjarjar, im eban bõk juon armej eo elõñ an jerowiwí. Ekwe, jej aolep jerowiwí, kån men in, elemen An naaj bõk kõj? Jekdõon ełaññe jej bul jeral ñan E, emõj ad jerowiwí, im Anij ej dike jerowiwí.

Eñin unin an Jijej itok im mej kån kõj. Emõj ad kõnono kån Rom 3:23 me ej ba bwe jej otemej ri jerowiwí. Ak kiiõ jen lõmñak kån eoon ko ãlikin eoon in.

“Kowãñõk er, im ejjelok oñean, ilo An jouj, kån men in wiaik eo ej ilo Kũraıj Jijej: Eo Anij ear kwałok E bwe En kein medek, kån tõmak, ilo bõtõktõken, bwe En bakajjen An wãñõk kån An kijoone jerowiwí ko łok, ilo meanwõd an Anij.”

Rom 3:24,25

Eoon kein rej ba bwe Anij ej kowãñõk kõj ilo ta? Ilo An jouj. Anij ear jełã bwe Adam im kwe im ña, je jab maroñ mour juon mour e weepaan. Ear jełã bwe elõñ ruõd, im jeral ko remman re ban jołok ruõd. Kån men in, ilo An jouj, ear jilkintok Jijej bwe En mej kån kõj.



Jijej ear medek illu an Anij eo ekar nae eõ

Je maroñ ke medek Anij kōn ad jermal ñan E? Jab, eoon in ilōñ ej ba bwe Jijej ej kein medek, im kōn ad tōmak ilo bōtōktōken, Anij ej kowānōk kōj (mejelein Ej watōk kōj wānōk imaan mejen).

**Ta eo jej lōke?** Eļaññe juon armej ej ba bwe Anij enaaj bōk e “eļaññe etiljek ñan Anij,” mejelein ej lōke ta? Ej lōke an tiljek, ak ilo bar juon wāween ba, ej lōke tokjān jermal ko an. Aet, ej ba ej lōke Jijej, ak ilo an ļōmņak Anij ej ļomņoren armej eo kōn tōmak koba jermal. Bōtab, meñe juon armej emarōñ kōmņan jet jermal ko “reņņan,” eļaññe juon wōt an jerōwiwi, e lia, im e jepel jān Anij.

Jen jab ļōmņak bwe eļaññe emņan ad jermal, Anij enaaj bōk kōj, kōnke eban emņan aolep jermal ko ad. Kōn men in, e jab “ñe emņan aō jermal.” Ej “ñe emņan jermal an Jijej.” Im emņan ke jermal ko an Jijej? Ebwe ñan ļomņoren eō ke? Aet!

Ekabūromōjmoj, ak ro rej lōke tokjān jermal ko aer re naaj jako indeeo kōnke men ko rej lōke re jab bwe. Jet rej ļōmņak re Kūrjin, bōtab eļaññe rej ļōmņak bwe unin aer Kūrjin ej kōnke re tiljek ñan Anij, re bōd.

Ilo Matu 7:21-23 eoon, Jijej ej kōnono kōn jet armej me renaaj kepaak E ilo raan eo āliktata. Armej rein raar ļōmņak bwe re Kūrjin im ekkar bwe ren deļoñ ilo aelōñ eo an

Anij. Etke raar ļōmņak āindein? Rej ba,

"Irooj, Irooj, kōm ar jab rikaniļ kōn Etaņ ke? im kajutakļok tiņon ro kōn Etaņ ke? im kōmņan elōñ men in bwilōñ kōn Etaņ ke?" Matu 7:22

Ekwe, emņan ke aer jermal? Aet! Raar rikaniļ (mejelein raar itoitak im kwaļok Naan). Kab raar kajutakļok tiņon ro im kōmņan elōñ men in bwilōñ! Emņan ke men kein! Aet! Im raar kōmņan men kein ilo etan wōn? Ilo etan Jijej. E jab alikkar bwe renaaj deļoñ ilo aelōñ in Anij ke? Jen lale ta eo Jijej ej ba ilo 23 eoon:

"Innām Inaaj ba ñan er, lar jaje kom: komwin iloķ jān Eō, kom rej kōmņan nana." Matu 7:23

Eita? Rej deļoñ ke? Jab! Je bwilōñ. Etke armej rein ro raar jermal ñan Jijej, im emņan aer jermal, raar jab deļoñ? Etke raar jab Kūrjin ilo mool? Kōnke ewi men ko raar kōnono kake bwe ren mour? Raar kōnono kōn tokjān jermal ko aer.

Ñe jej kōnono kōn jermal ko ad, jej aikuļ kememeļ bwe mool, jej kōmņan jet jermal ko reņņan. Bōtab, jej barāinwōt kōmņan jet men re nana. Im juon wōt men enana enaaj liaakļok kōj. Ekabūromōjmoj, bwe armej ro ilo bwebwenato in raar make watōk er Kūrjin, ak ilo mool raar jab Kūrjin kōnke raar lōke tokjān jermal ko aer bwe ren mour, im raar jab lōke tokjān jermal an Jijej

wõt. Mool, juon Kūrjin eo ej lõke mej an Jijej enaaj jerbāl ñan Anij kōn an yokwe E, ak eban watōk jerbāl ko an kein lõmqōren e.

Anij ekwōjarjar, im eban bōk jabdewõt armej me elōñ an jerōwiwi. Ak ejaññe juon armej ej tōmak bwe Jijej ear bōk eddo kōn jerōwiwi ko an otemjej ke Ear mej ion debwāāl, Anij emaroñ bōk e, bwe emōj kōllā opean jerōwiwi ko an.

**Ruōn kōn aolepeir.** Ilo an Jemes kōnono kōn men in, ej ba juon men ekabwilōñlōñ. Ilo Jemes 2:10 ej ba,

"Bwe jabdewõt eo enaaj kōjparok kien otemjej, a ej bun ilo juon iaer, ewor ruōn kōn aolepeir."

Ejaññe ewor juon armej eo ej kōjparok ruwatimjuon ian kien ko joñoul toñ wõt an mour, je naaj watōk e juon armej emman!

**Kwōn kakōlleiki (✓) box ko iturin kien ko im emōj aṃ kōkkure:**

- 1 En ejejlok bar anij raṃ ippaṃ ijillōkiō.
- 2 Kwōn jab kōmanman im jekjek ekjab ñan eok.
- 3 Kwōn jab ba bata etan Jeova.
- 4 Kwōn kememej raan in Jabat bwe kwōn kokwōjarjar e.
- 5 Kwōn pokake jemōṃ im jinōṃ.
- 6 Kwōn jab uror.
- 7 Kwōn jab jōñ.

- 8 Kwōn jab kōṃt.
- 9 Kwōn jab riab.
- 10 Kwōn jab ankwōnak.

Ewor jete im kwar kōkkure? Kememej Jemes 2:10: eo "ej buñ ilo juon iaer, ewor ruōn kōn aolepeir."

Kwō jela kajjien juon armej me toñ wõt an mour, ear kōkkure juon wõt ian kien ko an Anij ke? Ak Baibōl ej ba bwe ejaññe ewor juon armej im joñan de in an emman, ewor ruōn kōn aolep kien!

Anij ekwōjarjar, im kōn men in, eban bwe tiljek an juon armej. Ebwe wõt tiljek an Jijej Kūraij.

## **Ewor kaje kōn jerowiwi**

Kōn an Anij kwōjarjar, E jab maroñ kajekdoṃ jerōwiwi. Mejelein, Anij e jab maroñ ba "āinwõt juon" ñe juon ej jerōwiwi. Jerōwiwi otemjej Ej aikuj ekajete!

Ilo raan kein jej read ilo news kōn men ko ri ekajet ro rej kōmmani. Elōñ iien juon likao ej kōṃt, im police rej jibwe. Rej āinlōk Jeo ñan jikin ekajet im kaṃool bwe elōñ ruōn imaan ri ekajet eo. Ri ekajet eo ej errā bwe ewor ruōn Jeo, im ej liaaklōk e. Ak jet iien ej lelōk jiljino allōñ ilo kalbuuj innām ej 'suspend' e iien kalbuuj. Mejelein ej ba, 'Ekkar bwe in kalbuuj eok iumwin jiljino allōñ, ak I jab; I baj kōtlōk eok kiiō.'

Anij emaroñ ke kōmman kain in? Anij emaroñ in jab lelōk kaje ñan

juon eo ewor ruōn ke? Jab. Eṃōj an Anij ba bwe oṃean jerōwiwi mej, im Anij ej aikuj kōṃṃan men ko Ear ba. Kōn an Anij kwōjarjar, Ej aikuj kajeik kōj kōn jerōwiwi otemjej.

Jouj im Jōṃṃak kōn men iṃ. Anij e jeḷā kōn men ko otemjej eṃōj ad kōṃṃani im eṃōj ad ba im eṃōj ad Jōṃṃak kaki. Eḷaṃṃe kwōj je juon laajrak kōn nana ko otemjej kwar kōṃṃani jān iien aṃ kar Jotak tok ṃan kiiō, enaaj ke aitok laajrak eo? Im Anij ej aikuj lewōj kaje kōn jerōwiwi kein otemjej!

Jet rej ba bwe Anij yokwe, im kōn men iṃ, E ban kajeik armej ak joḷok er ilo jikin eṃṃaan indeeo. Bōtab Baibōl ej ba bwe Anij ewānōk. Ej barāinwōt ba bwe Anij e  
"...jab kōṃṃaan bwe jabdewōt en jako, a bwe ren otemjej itok im ukeḷok ippeir."  
2 Piter 3:9

E jab kōṃṃaan eo an Anij bwe jabdewōt en jako, im kōn men iṃ E ar jilkintok Nejin bwe En lōṃṃoren armej jān jerōwiwi im mej indeeo. Bōtab, eḷaṃṃe armej rej jab bōk An men in jouj ilo wāween An ba, Ej aikuj ekajet er.

Ke Jijej ej kameḷeḷeik ro ri kaḷooran kōn būrabōl eo kōn taō ko ilo Matu 13, Ej kōnono kōn ro re nana im ba,

"Im naaj joḷok er na ilo jikin kijeek; ijo re naaj jaṃ im ṃi laḷḷaḷ." Matu 13:42

Jet armej rej ba bwe bwebwenato kōn Lazarus im ri ṃweieie ilo Luk 16 ej juon būrabōl, im kōn men iṃ e jab ṃool bwe armej e maroṃ jorrāān ilo jikin kijeek āinwōt ri ṃweieie eo ekar jorrāān. Bōtab, Jijej emaroṃ katakin kōj juon men e jab ṃool ilo bwebwenato eo An ke? Ekwe, je jeḷā bwe Jijej e jab riab, im E ban katakin kōj juon men e jab ṃool, jekdoṃon ilo juon būrabōl ke jab. Kōn men iṃ, jej lo bwe armej re maroṃ eṃṃaan ilo jikin kijeek.

Kein ka ruo, enaṃṃin aolep iien ke Jijej ear kwaḷok juon būrabōl, Ear ba bwe ej kwaḷok juon būrabōl. Kab Jijej ejab kajerbal āt ko etan armej ilo būrabōl ko. Kōn men kein, jej Jōṃṃak bwe bwebwenato iṃ e jab juon būrabōl.



Barāinwōt jej lo ilo 2 Tessa-lonika bwe Anij ej ekajet ro ri jerōwiwi. Baibōl ej ba,

"Ilo kijeek eurur, im Enaaj lelōk iden-oṃe ṃan ro re jab pokake gospel an ad Irooj Jijej Kūraij: Er re naaj eṃṃaan ilo kōkkure indeeo

im jako jån mejen Irooj, im  
jån wuj in kajoor eo An."  
2 Tessalonika 1:8,9

## Jej aikuj kwōjarjar

Ewor bar juon men jej katak jån kwōjarjar an Anij. Kōn an Anij kwōjarjar, ej jiroñ kōj bwe jen kwōjarjar. Baibōl ej ba,

"Bwe emōj jeje, Komwin kwōjarjar; bwe Na I kwōjarjar." 1 Piter 1:16

Anij ekwōjarjar, im jej aikuj kwōjarjar. Baibōl ej ba bwe ejjelōk armej enaaj lo Irooj ejaññe e jab kwōjarjar.

Bōtab, emōj ad lo bwe jej ri jerōwiwi. Elemen ad maroñ kwōjarjar? Ilo kōj make je ban. Elōñ armej rej lōmñak re kwōjarjar. Jet iien jej roñ an armej ba bwe re jab bar jerōwiwi. Kab jet rej lōmñak bwe kōn aer tiljek, Anij enaaj bōk er. Mejelein ilo aer lōmñak ebwe aer kwōjarjar.

Ak ta mejelein kwōjarjar? Jej kwōjarjar ñe ejjelōk jerōwiwi ñan jidik. Anij ej jiroñ kōj bwe jen āindein. Armej ren jab lōmñak bwe kōn an jeja aer jerōwiwi, ak kōn aer jab kōmman jerōwiwi ko "reļap" bwe re kwōjarjar. Jab. Ejjelōk armej e kwōjarjar ilo e make.

Jijej ear ba,  
"...Ejaññe ami kwōjarjar e jamin ļap jån eo an skraib ro im Parisi ro, kom jamin deļoñ ilowaan aelōñ in lañ." Matu 5:20

Ewi joñan an kar kwōjarjar skraib ro im Parisi ro? Parisi ro raar lukkuun tiljek ilo aer jar. Raar leļok juon mōttan joñoul ian men ko aer otemjej. Raar jitļok ruo alen wiik otemjej. Eļap aer kar jermal ñan Anij jån kwe im ña! Innām ejaññe ej aikuj ļapļok ad kwōjarjar jån kwōjarjar eo aer, elemen ad maroñ deļoñ ilowaan aelōñ in Anij?

Ilo kōj make, je ban. Jej aikuj make kōttāik kōj im kile bwe ejab bwe jermal ko ad. Innām jen kūr ñan Irooj bwe En tūriaṃokake kōj, im jen lōke bwe mej eo an Jijej ej men eo wōt im emaroñ lōmōoren im kowānōk armej.

Anij ekwōjarjar, im Ej jiroñ kōj bwe jen kwōjarjar. Bōtab, ejaññe je jab maroñ wānōk kōn ad kōjparok Kien ko Joñoul, etke Anij ear letok Kien ko Joñoul? Ilo lesson 2, jenaaj katak kōn tokjån Kien ko an Anij.

KAJJITÕK KO

Lesson 1

- |   |   |
|---|---|
| <p>1 Anij ekwõjarjar, im men in mejejein bwe<br/> <input type="checkbox"/> a ejjeļok nana ippån.<br/> <input type="checkbox"/> b jidik nana ippån.<br/> <input type="checkbox"/> c Ej joñan wõt kõj.</p>                | <p>7 Ekkar ñan Jemes 2:10, eļaññe jej kọkkure juon kien<br/> <input type="checkbox"/> a ejab lukkuun nana.<br/> <input type="checkbox"/> b ewor ruõd kõn aolepeir.<br/> <input type="checkbox"/> c jej aikuj bul jermal.</p>                          |
| <p>2 Ekkar ñan Sam 5:5, ta eo Anij ej lõmņak kõn ro rej kõmņman nana?<br/> <input type="checkbox"/> a Ej yokwe er.<br/> <input type="checkbox"/> b Ej dike er.<br/> <input type="checkbox"/> c E jab lõmņak kõn er.</p> | <p>8 Anij emaroñ in jab lelok kaje ñan juon eo ewor ruõn ke?<br/> <input type="checkbox"/> a Aet.<br/> <input type="checkbox"/> b Jab.<br/> <input type="checkbox"/> c Eļaññe E kõņaan.</p>   |
| <p>3 Wõn ro renana?<br/> <input type="checkbox"/> a Ro ri kadek im ri uror.<br/> <input type="checkbox"/> b Ro re jab jar.<br/> <input type="checkbox"/> c Kõj otemjej ri nana.</p>                                     | <p>9 Ro ri jerõwiwi me re jab lõke gospel renaaj<br/> <input type="checkbox"/> a påd ilo eñtaan indeeo.<br/> <input type="checkbox"/> b mej ilo kanniõk wõt.<br/> <input type="checkbox"/> c påd ippån Anij.</p>                                      |
| <p>4 Jete jerõwiwi Adam ear kõmņmani ke Anij ear joļok e?<br/> <input type="checkbox"/> a juon.<br/> <input type="checkbox"/> b joñoul.<br/> <input type="checkbox"/> c bwijin.</p>                                     | <p>10 Jijej ear ba bwe ad kwõjarjar ej aikuj ļap jån kwõjarjar an wõn bwe jen mour ilañ?<br/> <input type="checkbox"/> a Enañin aolep ro jet.<br/> <input type="checkbox"/> b Skraib ro im Parisi ro.<br/> <input type="checkbox"/> c Ro re nana.</p> |
| <p>5 Wõn emaroñ medek Anij?<br/> <input type="checkbox"/> a ro rej kijejeto ñan Anij.<br/> <input type="checkbox"/> b Jijej wõt.<br/> <input type="checkbox"/> c Jijej kab ro re tiljek.</p>                            | <p>11 Kõn an Anij kwõjarjar, Ej jiroñ kõj bwe jen<br/> <input type="checkbox"/> a kate kõj jermal ñan E.<br/> <input type="checkbox"/> b kadikļok ad jerõwiwi.<br/> <input type="checkbox"/> c kwõjarjar.</p>   |
| <p>6 Juon emaroñ mour ilañ kõn<br/> <input type="checkbox"/> a an emņman jermal ko an.<br/> <input type="checkbox"/> b an pokake Anij.<br/> <input type="checkbox"/> c an lõke tokjån mej an Jijej.</p>                 | <p>12 Aolep ro rej jermal ilo etan Jijej renaaj mour ilañ ke?<br/> <input type="checkbox"/> a Aet.<br/> <input type="checkbox"/> b Jab.<br/> <input type="checkbox"/> c Eļaññe emņman er mour.</p>  |

Etam \_\_\_\_\_ Jete am iiõ? \_\_\_\_\_

PO Box \_\_\_\_\_ Telephone numba \_\_\_\_\_

Aelõn ta? \_\_\_\_\_ Bukwõn ta? \_\_\_\_\_

Eļañņe kwō kōņaan, kwō maroņ in letok aolepen bok in bwe kōmin kajimwe uwaak kein aṃ. Ak kwō maroņ in tumi alen in wōt im letok ak jilkintok ilo mail. Eļañņe kwōj jilkintok ilo mail, kwōn limi ion lain re pijinjin, je etaṃ ijo ej ba “return address,” im likūt juon stamp ion. Ñe eṃōj amim kajimwe peba in, kōm naaj karoolwōj peba in kab juon lesson ekāāl.

-----  
Return Address:

\_\_\_\_\_  
\_\_\_\_\_  
\_\_\_\_\_

Naan Ko Rejouj Bible School  
PO Box 746  
Majuro, MH 96960